



醫學館寄宿  
寮書籍之記

醫學元戎卷第十二

大學東  
校典藉  
所之印

趙州教授兼提舉管內醫學王好古進之笈次

厥陰證

調胃散治一切吐逆傷寒四肢逆冷粥食不

三下氏

土硫黃 水銀 各半兩

右先碾硫黃極細次下水銀同碾至黑色為  
度每服一錢重者二錢溫米飲調服無時

許學士破陰丹 論伏陽一脈 並見陰證論

還陽丹活人丹砂丸 火焰散 回陽丹

醫學元戎卷十二

六十一



反陰丹 並見陰證論

半硫丸 治老弱人虛羸臟腑祕結主治脩製並見局方

硫黃 半夏

局方金液丹 主治修製並見局方

上二藥並在五苓化水丹後

三寶丹

雄黃 半夏 牡礪 硃砂

揚氏五神丸 一名來復丹

硫黃 硃石

右同與磁器內用文武火炒得所勿令大過

須立氣透方可若未透則氣不相感

五靈脂 青皮 陳皮去白各等分

右伴陳皮等末與硫黃硝石和勻面糊丸桐

子大此藥三氣相配陰陽均平天地平和之

氣則可熱可冷可緩可急是以治陰陽不調

冷熱相攻榮衛相勝心腎不升降水火不交

養一切丈夫婦人嬰兒危急但胃氣在無不

獲効邪氣炎上煩燥冷氣攻急痛膈氣痛塞

不可忍腎氣脇下攻之氣滿不可動轉諸霍

亂吐瀉渴藥不止一服定大抵吐逆唇口青

手足厥冷脚轉筋者兩服傷寒煩燥昏塞倒  
 臥不省人事不得飲新久患崩漏泄利不問  
 赤白冷熱患病深淺服數服止若非時嘔吐  
 飲食不下服之立愈每服五十丸空心米飲  
 下甚者七十丸童稚十丸嬰兒五七丸新生  
 兒二三丸化破與服如小兒急慢驚風若胃  
 氣在雖困無不救者但是臟腑大切急病不  
 問證疾並可治之非與尋常方不同乃博効  
 救濟人藥也

易簡來復丹 主治修製之法並見局方

五靈脂 橘紅 玄精石

每服二十丸米飲下食前此藥可冷可熱與  
 養正丹黑錫丹相類但體輕不能鎮墜耳然  
 硝石性寒佐以陳皮其性疎快硫黃且能利  
 人若作熱藥用以止瀉誤矣但霍亂一證吐  
 利交作蓋曰啖食生冷或暑濕熱之氣中脘  
 結閉揮霍變亂此藥通利三焦分理陰陽服  
 之其效最驗兼治翻胃嘔逆其效尤速中暑  
 霍亂此藥最切小兒驚風用亦有驗蓋上證

候皆由涎飲中節致之此藥溫利涎飲既出則諸證悉去若男子婦人心腹作痛踈利之劑得效者未應遽補當以藥徐徐飲之令大便常通利則痛不復作矣嘔吐用之其意亦然不可不知腎厥頭痛老人頭痛並宜常服一法治老人並虛損之人寒氣入腹大小便不通者用生薑半兩連根葉和泥葱一根鹽一撮豆豉五十粒爛碾畧炒盒臍心兩劑更易用之以利為度亦良法也

局方來復丹

此藥配類二氣均調陰陽奪天地中和之氣乃水火既濟之方可冷可熱可緩可急善治榮衛不交養心腎不升降上實下虛氣閉痰厥心腹冷痛臟腑虛滑不問男女老幼危急之證但有胃氣無不獲安助真補虛救陰助陽為效殊勝

大陰玄精石一兩研

硝石半兩同硫黃並為細末入定磁罐內以慢火炒篩子不住手攪令陰陽相入不可火大過傷藥力再研極細名曰二氣末

五靈脂二兩酒浸用五臺山者用水澄去砂石曬乾揀淨秤

陳皮去白三兩 青皮去白三兩

右用五靈脂二皮為細末次之玄精石末及前二藥末拌勻以酒醋打糊為丸如豌豆大每服三十九丸空心粥飲吞下甚者五十粒小兒慢驚風或吐痢不止變成風搐搦非風也胃氣欲絕故也用五粒碾細末飲送下老人伏暑逆亂紫蘇湯下婦人產後血逆上搶心悶絕並惡露不止及赤白帶下並用醋湯下常服和陰陽益神散腰腎間陰濕正脇疼痛立見神效應諸疾不辯陰陽證者並宜

服之神異不可具述

四神丹

治百病補五臟遠疫疠却嵐瘴除尸疰蠱毒鬼魅邪氣大治男子婦人真元虛損精髓耗傷形羸氣弱中滿下虛水火不交養陰陽失升降精神困倦面色枯槁亡血盜汗遺溺失精大便自利小便便滑數夢寐驚恐陽事不舉腰腿沉重筋脈拘急及治一切沉寒痼冷痲痺疝瘕絞痛久泄久痢傷寒陰證脈候沈微身涼自汗四肢厥冷婦人百病胎臟久冷

結孕無子赤白帶下月候不調服諸藥久不  
差並皆主之此丹假陰陽造化之功得天地  
中和之氣却與尋常一煨一煉借燥丹藥功  
効不同此丹活血實髓安魂定魄悅澤顏色  
輕身保壽苟不恃藥力縱情恣欲久久服之  
可通仙道

雄黃 硫黃 雌黃 朱砂

右件四味各五兩碾細入瓮合內將馬鞭草  
為末鹽泥固濟慢火四圍燒煨一日一夜取  
出再碾細以糯米糝和為丸如棗豆大每服

一丸空心新汲水吞下姪婦勿服忌羊血螻  
菜

龍腦太白丹

治風壅偏正頭疼痰膈不利四肢拘急疼痛  
辟風邪清神志

硫黃 細碾 硝石 細碾各二兩 白附子 炮為末一分

右件入龍腦少許同碾細滴水丸鷄頭大每  
服一丸細嚼荊芥湯下無時

易簡養正丹 脩製主治並見後局方

硫黃 黑錫 水銀 朱砂

右每服五十丸食前米飲送下此藥用硫黃  
 里錫本有利性或利在丹藥用以補虛冷治  
 泄瀉之類大不得其宜若卒中之患痰涎壅  
 盛此鎮墜使大便澹利病亦隨去則於三生  
 飲選藥為之湯液  
 若氣虛喘急之患或發咳嗽沈附煎湯調鐘  
 乳粉咽下於降氣湯中選用之若翻胃之  
 患皆因中脘停寒涎痰凝滯食入即吐當用  
 此藥以丁香附子之類煎湯下但丁香性熱  
 恐為痰飲隔節蓄在上焦反為僭燥則於二

陳湯中選藥用之凡治嘔者先以加減感應  
 丸微利之次用此藥無不尅效半夏丸亦有  
 性利用之尤當切仍以水煮半夏丸服之見  
 二陳湯後若脚氣之患入腹衝心或見嘔  
 吐之證無法可療千金以大黃利之大黃性  
 寒病既深入必難導達是速其嘔吐也不若  
 用此藥或黑錫丹來復丹之類煎降氣湯下  
 便須多服以大便流利為度脚氣無補法此  
 有利性即非補藥服之無疑 痲痺疝氣勝  
 胱奔豚之氣入腹者亦宜用此若尊年之



入大腑寒祕者尤宜服之黑錫丹與此同類亦效

局方震靈丹

紫府元君南岳魏夫人方出道藏一名紫金丹此丹不犯金石飛走有性之藥不僭不燥奪造化中和之氣又治男子婦人真元衰憊五勞七傷臍腹冷痛肢體痠痛上盛下虛頭目眩暈心神恍惚血氣衰微及中風癱瘓手足不遂筋骨拘急腰膝沉重容枯肌瘦目暗耳聾口舌乾苦飲食無味心腎不足精滑夢

遺腰腹疝墜小使淋瀝夜多盜汗久泄久痢嘔吐不食八風五痺一切沈寒痼冷服之如神及治婦人血氣不足崩漏虛損帶下久冷胎臟無子服之無不愈者

禹餘糧石火煨碎不計遍數以手捻得碎為度丁頭代赭石

亦如禹餘糧石煨法赤石脂各四兩紫石英各四兩

右四味並用乾鍋內鹽泥固濟候乾用炭十斤煨通紅火盡為度入地坑埋出火毒二宿

滴乳研二兩沒藥去砂石二兩五靈脂去砂石研二兩

朱砂火飛過二兩

右通前藥共八味並為細末以糯米粉煮粥  
 為丸如鷄頭大曝乾出光每服一丸空心溫  
 酒冷水亦得常服鎮心神駐顏色溫脾胃理  
 腰膝除尸疰蠱毒辟鬼魅邪厲久服輕身漸  
 入仙道忌豬羊血恐減藥力婦人醋湯下孕  
 婦不可服極有神効

朝真丹

治腸胃虛弱內受風冷或食生冷內傷泄瀉  
 暴下日夜無度腸鳴腹痛手足厥冷

硫黃生研一兩 枯礬七錢五分 朱砂三錢一分

右合勻水浸蒸餅為丸桐子大米飲下三十  
 丸無時夏月宜用以備急諸沈寒痼冷之疾  
 諸熱藥不能效者灸關元五七壯即效

至寶丹脚氣亦有分寒熱處三日及有用紅雪紫雪及諸元藥者

軟金丹

人參 天麻 白薑 菖蒲

乾蝎各半兩 防風 半夏牛膽製 白茯苓各九錢

遠志八錢 薄荷一兩 黃連半兩 雄黃二錢

烏犀一兩 玳瑁 琥珀 朱砂

天竺黃各三錢 龍腦一字 麝香

牛黃錢各一金銀箔片各計

已上七兩九錢一字通碾細再杵白蜜十兩  
溫溶紙覆取蠟淨次日再煨和藥末每兩作  
十五丸茶酒任下

海藏云初病疾不宜服至寶丹小兒微疾亦不  
宜服至寶丹大抵風毒始自皮毛入留孫絡  
孫絡不已流入大絡小絡不已流入大經小  
經不已流入骨髓先湯液次丸散次丹劑丹  
劑為風入骨髓不能得出故用入骨髓透肌  
膚之劑為開窓牖之藥龍麝牛雄犀珀金硃

皆入骨髓透肌膚之劑而使風邪得以出於  
外也初病風疾未及於裏便服入透骨肌之  
藥是引賊入家如油入麪不可出也其反招  
害如此大抵疾有深淺治有次第初焉至淺  
不可以重劑治兼之小兒腸胃細小肌肉爽  
脆遽以入骨透肌之藥治之若有他證草木  
之劑不可近也富貴之家深宜戒此若遇潮  
涎不省痰證急甚不拘此例事至不得已而  
用之是謂得宜其當矣猶之射也高則過下  
則不及要之適乎中而已無病人服風藥開

發過極反使風入亦猶引賊入家與無病在

經而服至寶丹無異

聖功丸 專治血痢

膩粉 五錢 定粉 三錢 一法加蛤粉 三錢

右同研勻水浸蒸餅為丸茶豆大煎艾湯下

五七丸或十九丸

蝎稍丸 當在妙香丸後

治急風牙噤驚癇搐搦眼目不定恍惚潮涎

昏悶不省人事利胸膈清頭目化痰實寧心

神安臟腑

蝎稍 微炒 白附子 炮 天麻 一兩 龍腦 一錢

朱砂 研 半夏 湯洗製

右細末白麪糊丸茶豆大每服三十九丸細嚼

薄荷湯下臨臥服

不換金丹

荊芥穗 一兩 薄荷 二兩 天麻 一兩 甘草 一兩

白薑蠶 一兩 防風 一兩 藿香葉 一兩 細辛 一兩

土青川芎 白附子 羌活 全蝎 炒各半兩

朱砂 二錢

右末蜜為丸彈子大每服一二丸茶下

破傷風

蝟稍七條為細末熱酒調下

上青白附丸

同錢氏溫丸例

白附子

炮

白薑蠶

天南星

半夏

天麻

川芎

甘菊花

旋覆花

不陳皮

各一兩

全蝎

半兩炒去足

右細末薑糊丸桐子大每服三十丸薑湯下

錢氏溫白丸

治小兒脾氣虛困泄瀉瘦弱冷疳洞利及因吐瀉或久病後慢驚身冷瘳瘳

天麻

半錢

薑蚕

炮

白附子

生

乾蝎

炒去足

南星

右細末湯浸寒食麪丸茶豆大丸子仍以寒

食麪養內七日取出每服七丸加至二三十

丸空心生薑米飲湯下漸加元數

易簡如聖餅子

脩合治療之法並見後局方

川烏

南星

乾薑

甘草

不川芎

天麻

防風

半夏

薑製

右每服二十餅嚼破生薑湯下本方只服五

餅安能作効初感傷寒因汗而解尚餘頭疼

濃煎生薑葱白湯皆可此藥須是自合庶幾  
 糊少且料藥精製故易為效也一切頭疼  
 不問內外所因並宜服之兼治中脘痰飲  
 停積及療脾胃飲食所傷溫中快膈尤得其  
 宜偏正頭疼茶湯下久久服之不復再發  
 局方如聖餅子

治男子婦人氣血上盛下虛痰飲停積風寒  
 伏留陽經偏正頭疼痛連腦顛吐逆惡心目  
 眩耳聾常服清頭目消風化痰煖胃

川烏去皮 南星洗 乾薑各一兩 甘草

川芎各二兩 天麻 防風 半夏各半兩  
 右細末湯浸蒸餅丸如鷄頭大捻作餅子暴  
 乾每服五餅同荊芥三五穗細嚼茶酒任下  
 熟水亦得無時

化風丹

治中風涎盛胸膈不快頭重目不開或目睛

上視一切諸病

烏蛇生去骨一兩 白附子炮二兩 南星一兩  
 朱砂二兩 薑蚕一兩 麝香半錢  
 雄黃二錢 腦子一字

右蛇附星蚕爲細末另入麝香朱砂等四物  
細末再碾勻煉蜜丸鷄頭大酒化下如牙關  
緊急不開以蒜一大瓣搗爲泥塗在兩牙關  
外豆淋酒化下蘸藥擦牙自開更服二錢效  
如神

治患後轉瀉腹脹如鼓蝎氣散

全蝎燒灰研 麝香少許

右細末每服二錢七米飲調下甚者再服必  
愈

治傷寒將死者

川烏生 三南星生 半夏生 天麻生

右爲細末每服一錢煎豆淋酒下稍溫服次  
用一二盞投之若牙關際幹嚙之但藥得下  
無不活者

烏荊丸

木川芎去尖 荊芥穗二兩 二火此散  
右爲細末醋丸桐子大每服二十九丸溫酒送  
下熟水亦得有病日食三無病日亦服此藥  
治腸風尤妙

化水丹

丁川烏亦俗附子炮乾薑炮赤石脂藥

大蜀椒木桂各等分大益母二十此為斷

右蜜丸桐子大每早服二丸夜二丸溫酒下

老君神明散溫疫

白朮三兩桔梗一兩細辛一兩附子炮去皮臍

川烏炮去皮臍神效之藥

右五味為粗末縫絹囊袋盛帶之居閭里皆無疾若有疫疾溫酒服方寸匕覆取汗得吐即差若經三四日抄方寸匕以水玉碗煮令

大沸去查二服

換骨丹

槐蔓蒼桑香葳人防何苦

十味麝朱麻佳人稱換骨

右製度並見廣濟宣明方

拯濟換骨丹

海藏云自汗不愈不宜服亦汗家忌重發汗也

槐皮芎朮芷仙人防首蔓

十味各停勻苦味香減半

龍麝即少許朱砂作衣纏

麻黃膏煎丸大小如指彈



治半身不遂口眼喎斜手足不仁言語蹇塞  
或骨痛連髓或痺襲皮膚或中急風涎潮不  
言精神昏澁行步艱難筋脉拘急左癱右瘓  
一切風疾並皆治之

槐莢子 人參 桑白皮 蒼朮

白芷 何首烏 蔓荊子 威靈仙

防風 各二兩 五味子 苦參 香附 各一兩

麝香 二錢 另研 龍腦 二錢 另研 川芎 一兩

右十四味為細末入麝香令勻又用麻黃十  
斤去根節用天河水三石熬至六斗濾去渣

再煎至二升半入銀石器內熬成膏入煎藥  
和勻杵三五千下每兩作十丸朱砂為衣每  
服一丸搗碎酒一盞自晨浸至晚食後飽得  
臥微攪勻服之神清無睡是藥之驗再服須  
更五日服之如中風無汗宜服若體虛自汗  
服之是重亡津液也若風盛之人當於密室  
中溫臥取汗稍避若風實者至寶丹之類風  
虛者靈寶之類

局方大已寒丸 易簡大已寒丸同

治久寒積冷腑臟虛弱心腹疼痛脇脹滿泄

瀉腸鳴自利自汗米穀不化陽氣暴衰陰氣  
獨盛手足厥冷傷寒陰盛神昏脉短四肢怠  
惰並宜服之

乾薑六斤 高良薑六斤 桂四斤 華撥四斤

每服五十丸米飲下此藥熱燥能治臟腑虛  
寒滑而不利反泄瀉腸鳴水穀不化若心腹  
疼痛中脘停寒大溇泄者尤宜服之

大已寒丸

吳茱萸 官桂 乾薑 良薑

烏頭 附子 一法加芍藥 一法加

茴香引陽氣下行不傷眼目

右為細末醋糊丸亦得桐子大每服三五十  
丸米飲下空心食前日二服無所忌

吳茱萸丸

治下痢臟腑不調脹滿腹痛水穀不化怠惰  
嗜臥時時下痢

吳茱萸一兩半 神麴炒五兩 白朮四兩

桂二兩半 去皮 乾薑兩半 川椒去目炒

右細末糊丸桐子大米飲湯下十五丸至二  
十丸食前上澄乃陰濕勝也

小吳茱萸丸

吳茱萸

半兩洗

良薑

三兩

乾薑

三兩

右醋糊丸桐子大每服三五十丸米飲下

快活丸

治痰痞嘔吐不愈腹脹大便不通祕者陰燥

勝也

具茱萸

洗木香

各一兩

良薑

乾薑

炮

枳實

炒

陳皮

各三兩

右酒煮神麴末作糊丸桐子大薑湯下十五

丸至二十九丸無時陳皮湯亦得

艾煎丸

治男子陰證  
女人寒帶下

艾葉

四兩炒

火椒

赤石脂

乾薑

川烏

炮去

生硫黃

已上各

右糊丸桐子大每服二三十丸艾湯鹽湯任

下

艾煎丸

治婦人久病  
氣虛冷羸瘦

蒼朮

四兩製

當歸

酒浸焙

小椒

半兩

右細末好醋一斗好艾葉一斤浸一宿砂鍋

慢火熬至五升去查再入鍋內熬出膏子同

和前藥丸桐子大每服三四十九溫醋湯下

食前炒陳艾上餘藥其為末糊丸亦可

噎氣湯

吳茱萸半兩 桂二錢 半夏薑製

右吹咀每服五錢生薑五片水一盞餘煎六

分去查溫服

奔氣湯

吳茱萸 人參 生薑 棗

右於吳茱萸湯中去棗加半夏桂心甘草亦

名奔氣湯

小七氣湯 具見太陰證

戊己丸

吳茱萸 白芍藥 黃連各等分

右三味同炒微黃放冷為末糊丸米飲下三

十丸食前

小已寒丸一名強中丸

治脾胃積冷中寒洞泄倦怠不思飲食進食

止自汗厚腸胃見肘後甚驗

艾葉四兩 蒼朮炒一兩 陳皮炒二兩 吳茱萸炒二兩

右件用米醋二升浸一宿漉出暴乾再於原浸藥醋內拌和勻炒令紫色焙乾為末稀糊

丸桐子大每服三十丸溫酒鹽湯醋湯下空

心食前米酒二升分一宿出暴汗再飲

前烏頭例張鐵確前烏頭蒼朮法

張鐵確前烏頭蒼朮法

右烏頭去黑皮用白心微炒蒼朮泔浸炒黃

為細末酒糊丸

移刺相公神仙保命金丹

治男子丹田衰弱五臟虛損血少氣微肌瘦

面塵手足顫掉目視荒荒迎風出淚耳鳴旋

運筋骨無力春秋發嗽疾痰喘滿悶腰膝疼

痛脚上癰疹難坐立夜多盜汗四肢怠惰陽  
出  
事不強精滑無子悉宜服此丹

草烏頭四兩秋收黑色者去皮同蛤粉炒  
黃存性地內埋二宿去火毒焙乾

金鈴子三兩破故紙三兩浸一宿茴香二兩炒香

末酒糊丸桐子大每服三二十丸空心

溫酒下婦人醋湯下服數日所病即效痼寒

久利尤宜服婦人血冷月事不調赤白絕孕

面黑焦乾髮退不生瘦惡自汗每服三十丸

熱醋湯下久服補益男子無風中卒病此藥

性溫無毒保全天壽

佐經丸

草烏皮去

當歸

乳香

沒藥

自然銅

煅

斑猫

去足

木鼈子

地龍

炒已

上等

前少陰厲風條下有治白癩龍蛇散內有二

佐經丸味後方少膠五靈脂三二十火空

右各碾醋糊丸鷄頭大打碎溫酒磨化隨病

上下服藥後飲好酒三三盞

佐經丸

草烏頭

白膠

木鼈

五靈脂

各一兩半

當歸

一兩

斑猫

一箇

去頭足煮亦得

右黑豆生為煮糊丸八九丸溫酒下

玉柱杖

天麻

七兩

骨碎補

七錢

草烏

四兩 甘松

川烏

白附子

半夏

各半兩

地龍

黃芩

松香

五靈脂

錫蘭脂

兩

自然銅

二兩半

南星

茯苓

川芎

破故紙

各半兩

糯米

半斤

右細末酒糊丸桐子大每服五丸溫酒下

張守道傳此張鐵確方

治男子陽精不足  
女子赤白過多

牡蠣

燒一斤

赤椹子

一斗 草烏頭 半斤 焙

右為末酒糊丸桐子大每服二三十九空心

溫酒下鹽湯亦得一法張守道加蒼朮一斤

不去皮炒黃與上同為末丸散

安宜差傳到筋骨藥

川烏頭

澤瀉

五靈脂

地龍 去土

正蘿蔔子 已上各一兩

蒼朮 二兩

川當歸

赤芍藥

各一兩

木鼈子

半兩 去皮

沒藥

各一兩

乳香

各一兩

右細末醋糊丸桐子大自然銅為衣每服十

丸食前溫酒服

朱砂例

玉倪丹

補心益腎上下通主升降  
以至丹田丹坎之像也

丹砂

八兩

甘草

去心

檳榔

訶黎勒

皮一兩

桂

八兩 去皮搗碎

右每食前服一丸日三食計服三丸溫人參

湯下

海藏老人云北砂煉成亦可與大補丸五臟隨

藥合和用之或全用五藏藥和丸亦可大補

丸在少陽條下局方五補丸後

造丹砂法

右甘草等四味剉水二大斗釜中以細布袋盛丹砂盛於釜中著水和藥煮之 第一日兼夜用湯火絞動 第二日兼夜湯火魚眼沸 第三日兼夜木火花沫沸 第四日兼夜炎火涸泪沸 第五日兼夜土火微微沸 第六日兼夜金火沸愈緩作急 第七日兼夜水火沸緩緩調調 先期泥二釜一釜常煖水用添煮藥釜中水減即添煖水常令

不減二斗七日滿即出丹砂於銀器合中盛

其合內先布桂一兩勻即與桂布朱砂又以

金桂一兩覆足即下合置甑中先布糯米厚

二寸乃置合又以糯米覆焙之亦合厚二十

許桑柴火蒸之每五日換米桂其甑蔽一日

以行竹子為之不爾側間一小孔常煖水同

竹筒注添釜中勿令水減第一五日兼夜用

如春火如常炊飯第二五日兼夜用夏火猛

如炊飯第三五日兼夜用秋火如炊飯乍緩

乍急第四五日兼夜用冬火煖如炊飯依五



行相生文武助之藥即成出丹砂以五槌鉢碾之如膩粉即可用服之煎楮實搜和桐子大每日食前服一丸人參湯下每日三服食前計之煉成丹砂秤四兩為一劑二年服盡復服每十年即煉三兩仍取正月一日取服一月使盡既盡酒服十年一二兩不令旋合宜須煉一劑又以糯米煎飲之亦合氣二劑造楮實煎法  
 六月六日收取楮實熟者緩絞取汁拾銀器內慢火熬成搜和前藥末為劑丸

小祿砂丸

小兒風熱不眠或驚風中風

齒砂

五兩

牙硝

括六兩

寒水石

錢四

麝香

一字

鵬砂

一字

梅腦

半錢

甘草

半錢

浸

煎膏

右碾勻用甘草膏和每兩作一十丸每噙化

吳九小兒夜驚啼薄荷水化下

朱砂寒熱溫涼各有加減例

寒大黃

巴豆

牛黃

黃連

黃礬

熟附子

巴豆

烏頭

南星

半夏

朱砂散

治小兒神亂驚悸睡臥不安大便不利譫語  
齒瘡痰嗽

辰砂 七兩 桔梗 五兩 人參 蛤粉

牙硝 各三兩 甘草 二兩 腦子 二錢 金箔 二十片

右細末一歲兒半錢薄荷湯調下未滿百日  
兒發熱多睡不安大便不利蜜湯調下一字  
大人小兒口瘡咽喉少許摻咽膈熱新水調

臨臥

鶴頂丹

治大人小兒風痰不利煩渴不安中暑頭痛

不解

麝香 二錢 朱砂 十兩 牙硝 十二兩 寒水石 十兩

一兩 甘草 炒三兩

右細末煉蜜丸龍眼大大人生薑湯化下中  
暑腦子新水下小兒心經熱薄荷汁化下

鎮心丸 金箔鎮心丸 安神丸

驪珠丹

麥門冬 牙硝 白茯苓 乾山藥

寒水石 甘草 各半兩 朱砂 一兩 龍腦 一字

已上數藥泄手太陰大人絳宮下至丹田

前八味加人參 生地黄 沉香

各為細末入藥為東垣先生離珠丹法例詳

說具見難知一名石龍散

右石龍散

寒水石 腦子 朱砂

拘龍丸 化毒丹 大青丸 並見錢氏

牛黃膏 治驚化痰涼膈鎮心祛邪熱止涎激

人參 二錢 甘草 半兩 牙硝 一錢 雄黃 七錢

朱砂 一錢 蛤粉 二兩 生龍腦 錢半 金銀箔 四錢

不為衣

右為細末煉蜜為丸搜和每兩秤作二十九

以金銀箔為衣一歲兒每服菉豆大薄苛湯

化下量歲數臨時加減服之食後

虎睛丸 治小兒驚風壯熱風濕邪熱

天麻 防風 人參 乾蝎 各一兩

白薑蠶 兩半 朱砂 雄黃 各半 牛黃

麝香 各一字 甘草 一錢

右末蜜丸如桐子大每服一二丸薄苛湯下

御方活命金丹 主治並見本條

烏犀 牛黃 真珠 薄苛 各半兩

金箔片一兩 牙硝 貫眾 甘草

板藍根 乾葛 官桂各一兩 片腦

麝香 青黛各三錢 大黃半兩 蒸餅末三錢

煉蜜丸每兩作十九金箔為衣每二丸薄荷湯下

五福化毒丹主治並見錢氏

苦參 桔梗 茯苓 人參

牙硝 青黛 甘草 麝香

右勻細末蜜丸鷄頭大薄荷湯下斑疹毒氣  
生地黄汁化下有日夜不見物陳米泔化下

金箔鎮心丸

紫河車 人參 茯苓 山藥

甘草 朱砂 龍腦 麝香

牙硝 金箔等分

右勻細末蜜丸桐子大薄荷湯下

定風丹

治大風癩疾鼻崩塌眉鬚脫落遍身疙瘩或

瘡疥等證

升麻 細辛根 川芎 穿山甲炙

天麻 防風 定風草 白附子

丹參 人參 苦參 玄參

紫參 蔓荊子 威靈仙各一兩 蜈蚣一對

何首烏木白中取末一兩

右細末每二兩用胡麻一升淘淨炒香為末

和勻蜜丸彈子大每用一丸細嚼溫漿水下

日三初服時或嘔吐勿怪或亦不吐

紫苑丸治五種風癩之疾

紫團參 人參 沙參 玄參

檳榔 黃連 川芎 山梔子

海桐皮 紫苑 防風 赤芍藥

羌活 赤茯苓 生地黄 天仙子

地骨皮 白蒺藜 天麻 乳香各等分

若二十味細末蜜丸桐子大每服三十九清

米湯下日三忌動風發氣物

脫腕丸

治癩風遍身膿血及諸惡瘡疥癬等經云厲

風成癩

苦丁香 白丁香等分 阜茨去皮放子熬成膏

右與上藥末為丸桐子大先十丸至十五漸

至二十丸溫水下疾退為止不可使多恐致

惡心從少至多乃其法

治風疾癩病遍身生瘡者

天麻七錢 荊芥二錢 薄荷葉二錢 白花蛇

酒四兩浸

右四物為細末好酒二升蜜四兩石器中蒸

成膏子每服一盞溫服日三煎餅壓下急於

暖處令汗出十日見效

神仙經進透骨膏

治大風疾遍身生瘡變成頑麻不痛不痒眉

髮脫落鼻梁崩塌目斷白仁

海金砂兩半 草烏頭兩一 絲礬 訖花

瓦松 益硝 膽礬 鴛管石

朱砂 雄黃另研 磁石 杏仁各一

黃礬 雌黃 草麻 砒霜另研

硃砂二錢 木賊六兩 木鼈子二十箇 寒水石六兩

僧祇黃兩半 斑猫十箇 巴豆二十粒 川烏頭兩半

石燕子一對 蛤粉半兩 天仙子兩四 黃松脂兩一

粉霜二錢 乳香一錢 麝香半錢 硫黃半兩

小油六兩 膩粉二錢

若將劉細末油勻和新坩瓶子一箇埋于地

下止用新瓦瓶子一隻于地上鑽數十孔鹽

泥固濟盛藥在內用碗一隻合定亦固濟勿  
 令透烟坐在坩瓶子口上穩放木炭火八秤  
 看緊慢燒炭盡為度其藥滴在坩瓶子內孩  
 兒胎髮一塊細剪藥內攪勻入後藥信霜雄  
 黃僧祇黃粉霜輕粉乳麝等細不在燒數  
 漂洗藥  
 何首烏 荊芥 防風 馬鞭草  
 蔓荊子  
 右粗末二兩水三斗煎十數沸得藥力無風  
 處漂洗後塗前藥

神效膏

當歸 半兩 杏仁 半兩 木鼈子 兩 好油 一斤  
 黃丹 三兩 油髮 二兩 乳香 三錢 苦參 二錢  
 沒藥 二錢 人參 二錢  
 右除丹外剉細油煮褐色與丹一處熬成膏  
 吹塗病處

生眉散  
 桑寄生 天南星 半夏 沒藥  
 右各一錢為細末生薑自然汁調成膏子先  
 又用自然銅擦過次以膏塗之

又治鼻梁崩塌喘息不快者

雄黃 黃連 沒藥 川芎

盆硝 腦子 麝香

右細末搗之日三次

如聖散 潔洗藥

頑荊 蔓荊子 威靈仙 白芷

苦參 厚朴 荊芥 紫參

陳皮 沙參 防風 麻黃

右粗末每用藥末一兩水一桶桃柳枝同一

處煎五七沸避風淋洗

還魂丹 治中風不語涎潮不省痰癱左癱右瘓

天麻 川芎 防風 乾山藥

羌活 薑蚕 犀角 細辛

文瀉 當歸 白附子 甘草 藿香葉

人參 全蝎

右為細末蜜丸櫻桃大每用一丸細嚼酒下

化風丹 大樽林參天麻川芎

治中風涎多胸膈不利日瞑不開睛上視一

切諸風

烏蛇 白附 南星 薑蚕



麝香 半錢 朱砂 三錢 雄黃 二錢 龍腦 一字

右前四味為細末入麝香等再碾令勻煉蜜丸鷄頭大用水酒化下如牙關緊急不開以

大蒜一大瓣杵為泥塗兩牙關外豆淋酒化

下一丸蘸藥擦牙自開更服藥二丸神效

局方樺皮散 並見本方

文潞公療癱瘓外臺方

生地黄 汁 淡竹瀝 荊瀝 各一兩 防風 四兩

獨活 八分 附子 一枚

右以咀二升煮取一升去查空心分四服或

五服隔日一劑若虛者三日一劑可絕根本

聖餅子

草烏 換水煎三次 川芎 細辛 白芷

荊芥 蒼朮 防風 甘草 各等分

木右生用細末糊丸桐子大捻作餅細嚼茶清

送下加羌活獨活為十生餅子

斗門方

治中風口面喎斜用灰向右即於左邊塗

之向左即於右邊塗之候方正如舊即須以

鹽水洗下大妙

聖惠方治中風口喎

以巴豆七箇去皮爛碾如左喎塗右手心如  
右喎塗左手心仍以煖水盥安向手心須  
使更便正洗去藥頻抽掣中指

活人腳氣木瓜散例

木瓜散

大腹子

二錢紫蘇

一錢乾木瓜

甘草

炙

木香

各二錢半羌活

三錢

右剉散分作三服每服用水一盞煎至半盞

通口服

腳氣木瓜丸

木瓜

大者二個切菊花

一兩青鹽

二錢

右內藥木瓜中合定線繫甑蒸爛碾成膏子  
丸桐子大每服五十丸空心酒下日三病甚  
者百丸病處有香汗出為效

四斤丸

治風寒濕合而成痺脚腫痛或不仁及諸證

杏脚氣

牛膝

去蘆天麻

去蘆

右咬咀好酒五升浸三日取出焙乾為細末

以浸藥酒煮糊丸桐子大每服二十九丸空心食前溫酒下

香附子散 已下總血崩例

治血崩不止面色黃血刺疼痛不可忍小產

血不止一名倍金散

香附子 不以多少炒去毛搗碎再炒黃

右極細末每服三五錢好酒調下能破血積

米飲調下能止血冷氣薑湯下帶下艾湯下

醋少許婦人一切心腹諸疾並治之粥飲下

許學士治婦人血氣不調有積血者能破之

若血崩者能止之

立應散治心腹急痛

香附子 炒半兩 良薑

右細末每用二錢七沸湯點服立効

治血崩臍腹痛

當歸 木賊 去節 香附子 熟地黄

赤芍藥 牡丹皮 各二兩 沒藥 丁香

桂 各三錢 去皮

右細末酒調三錢溫服

立効散 治婦人臍腹痛

立散香附三兩當歸一兩赤芍藥兩半良薑半兩

五靈脂兩半

右細末三錢酒一盞童子小使少許同煎服

香附子例寒則加乾薑熱則加黃芩

立應散治婦人血海崩敗又治男子婦人腸風下血

香附三兩一兩櫻皮一兩燒性

右為細末每五錢酒半盞童子小使半盞煎

至七分溫服無時如腸風不用童使用酒一

盞煎至八分服

霹靂散治經脈妄行

香附子三兩川芎一兩石灰一兩油炒

右細末燒秤鎚淬酒調服二錢七甜酒亦得

定血散此四方當在後

治婦人血海崩漏小產血不止

烏梅燒存性櫻布燒甘草二寸半燒

右為細末每服二三錢淡醋湯調服立止

靈苑內補丸

溫中調血治婦人久病血崩不止累醫不効

宜此立驗

黃連 山茱萸 乾薑 當歸

鼈甲

芫花

白芷

乾漆

宜川烏頭

去皮臍九味各一分

巴豆

大者連殼 桃仁

和皮

亂髮

三味各半兩

已上十二味同入一甌子內用泥固濟頂上

留一眼子火煨候白烟出急取候冷取細碾

官桂

一分去皮 陳橘皮

一分碎剉炒

芸臺子

一分

白龍骨

赤細研

宜右四味為細末同前碾藥都作一處拌合再

研令勻煉蜜為丸桐子大每服一丸臨臥溫

酒下久患甚者不過四服

又方

巴豆

紙厚裹燒蒸熟

芫花

醋拌炒黃

硃砂

白芷

檳榔 麩裹厚燒熟

乾漆

油潤炒微煙

當歸頭

大黃

蒸

乾薑

炒製剉再炒

又方

木香

檳榔

縮砂仁

神麩

炒黃

麥蘖

炒黃

訶子

麩裹燒

當歸

乾漆

油塗炒

金絲水蛭

火灰中煨去黑或鹽炒微焦亦可

交感丸

茯苓神

四兩

香附子

炒黃一斤

右細末煉蜜丸彈子大每晨一丸

降氣湯

茯苓二兩 香附子半斤 草一斤

右細末點服

又方

香附子五兩 生薑三兩 汁浸 青鹽一錢

右同為細末擦牙

孫思邈九竅血出方

荊葉搗取汁酒和之

小烏沉湯當在前鳥沉湯後

香附子二兩 烏藥一兩 甘草二錢

右細末鹽少許湯點服

千金白聖丸在四物湯後

螭蛸散治血崩漏下久不止臍腹疔痛

烏魚骨燒存性細末二錢煎木賊湯調下

又方

蚕退紙燒灰一兩 木賊燒灰一兩 寒水石燒分

白礬半斤 烏魚骨炙一兩

右為細末水一盞煎四五沸食前和滓服効

又方

又龍骨 蒲黃各半兩 艾葉 附子炮二錢半

當歸七錢半

右為細末水煎三錢

又方

又當歸 川芎 黃芩 芍藥等分

右粗末水煎

桂燒灰酒調下立愈

五靈脂末炒出烟盡當歸酒煎如血室乾

醋煎和滓服空心

血崩如流防風炙焦為末每三錢白麪半

黑錢酒調下晝夜不止者丁香二兩酒煮服

參之

又黃芩粗末水煎

右並治血崩如流藥異不一隨經可擇是為

知本

地榆條唐本注云出孔氏音義玉帶十二病

熱一日多赤

二日多白

濕熱三日水不通

四日陰蝕

五日子藏堅

六日子門關

七日合陰陽息痛

八日小腹寒

九日子門閉 十日子宮冷

十一日夢與鬼交 十二日五臟不定

用地榆作葉飲代茶甚解

無濕不成瀉無積不成痢大腸泄者小便少  
濕在後也小腸有敗血久有積滯崩漏不已  
隨帶而下大便燥結濕在前也濕在後當利  
小便濕在前當利大便此其法也  
或因胎產而得或因酒色而得山崩海嶽前  
後脫血帶漏不已先由子藏侵入赤腸澤液  
惡穢前行大過滓糞燥結後滯不通此胎腸

俱病治宜推去敗血膿積益血而致新也心  
所不生脾所不裹肝所不藏此三焦經絕也  
崩雖為病亦有淺深新久治亦從而輕重之  
張仲景云三焦絕經是為血崩又經云血得熱  
而妄行又云血枯前後血得之年少時有所  
火得脫血醉以入房氣竭肝腸久久成血閉  
畧舉於此皆有熱也脈或洪大而有力或能  
食不能食漏下不止或陰中如有瘡撲或大  
便難因而暴下或觸之而不定內外俱治慎

王勿遺一



王叔和云微脉主敗血面無色歌曰微指下尋  
之有若無旋之敗血小腸虛崩中日久為白  
帶漏下多時骨脉枯此脉有瀦之貌菀之體  
皆血病也此皆陰脉而為冷證寒熱即分藥  
不可執一所以有連糜生地黃四物牡丹芍  
藥續斷縮砂香附烏賊白並乾薑之分也明  
與者其擇之

產寶方療崩中不止不問年深月遠

槐木耳燒灰為末酒服方寸匕三服

簡要方治婦人漏下血不絕

槐花萼不以多少燒灰細碾食前溫酒服

二錢匕

正經云治婦人乳瘦子藏急痛

槐實以七月七日取入搗取汁銅盂內盛  
之日煎令可丸大如鼠矢內竅中三易愈

又主墮胎

千金方治婦人無故尿血

龍骨二兩以酒調服方寸匕空心日三

又方治崩中晝夜不止

芎藭八兩清酒五升煎取二升半分三服

徐徐飲之

又治胎婦忽然倒地舉擎重促損腹中不安及

子死腹中

川芎生末酒服方寸匕須臾一二服出

治崩中

防風去蘆頭炙赤色為末每服二錢以麪

糊酒調下更以麪糊酒投之

治婦人經血不止

五靈脂末炒令過熟出盡烟每服五六錢

當歸二片酒一盞與藥同煎至六分去滓

溫服連三五服效

治產婦血暈昏迷上衝悶絕不知人事者

五靈脂

二兩五錢一半生用一半熟炒

右為細末每服一錢溫熱水調下如口噤者

以物幹開灌之入喉即愈謂之獨勝散

又治血崩不止

五靈脂

十兩

右為細末水五盞煎至三盞去滓澄清再煎

為膏入神麪末二兩和丸桐子大每服二十

五丸空心溫酒下便止

正元廣利方

治婦人赤白帶下年深月久不差者

白芍藥

三兩

乾薑

半兩

右細剉炒

令黃搗羅細空腹和飲汁服之

三錢七

治婦人本臟虛損元氣冷敗崩中漏下經歲不止服諸藥不效極甚者宜服此藥

龍骨

四兩煨

蒲黃

一兩

艾葉

二兩

當歸

半兩

五靈脂

半兩炒去烟

黑附子

炮半兩

香附子

炒紫色半兩

右件同為末水一盞半藥秤三錢同煎至六

分去滓食前空心日三病輕者二服重者一

料

雷氏方

治婦人遠年近日醫不差血崩或血氣不止

木賊

一兩

香附子

一兩

朴硝

半兩

右三味為細末色黑者好酒一盞煎三五沸

和滓溫服色紅赤者水一盞煎至七分和滓

溫服忌生冷硬豬肉雜物每服三錢空心

每日二如臍下作痛乳香沒藥當歸各一錢

剉細入上藥一處同煎不痛勿用

論傷寒雜病分二科

海藏云世之治傷寒有法療雜病有方是則是矣然猶未也吾謂治雜病亦有法療傷寒亦有方方卽法也法卽方也豈有異乎要當全識部分經絡表裏臟腑豈有二哉以其後世才智之不及古也所以分傷寒雜證爲二門故有長於此而短於彼者亦有長於彼而短於此者逮夫國家取士分科爲比宜乎愈學而愈陋愈專而愈粗也試以傷寒雜病二科論之傷寒從外而之內者法當先治外而後治內雜病從內而之外者法當先治內而後

治外至於中外不相及則治主病其方法一也亦何必分之爲二哉大抵雜病之外不雜乎表傷寒之內不離乎裏表則汗裏則下中則和不易之法也劑之寒熱溫涼在其中矣餘風產二條目疾瘡腫小兒等科各自專門無怪其工之陋且粗也是以知證不知脈知藥不知性是豈真知而全識者哉耳熱目厭習壞多經涉久誤合則病愈契則不疾甚所常見所常聞者粗有曉會其所未常見未常聞則有所不知也此繼述而不及於物者遠

矣嗚呼天之所錫其智識有限量故邪衰哉  
庸夫以衣食迫以口舌爭視學業如讐隙妬  
忌爲能幹誤人性命恬不知恤甘爲忍人不  
顧道理其教之有所失邪時世之所有俾邪  
抑疾者之不幸而有所自致邪處暑後嘆而  
書  
是書已成於辛卯至丁酉春爲人陰取  
之元藁已絕更無餘本予職州庠杜門  
養拙壅鹽之暇無所用心想像始終十  
得七八試書首尾僅得復完猶遺一二

尚未之備故今日得而今日錄明日得  
而明日書待以歲月久則方成無欲速  
無忌心也好古再題

醫壘元戎卷第十二

醫壘元戎跋

醫壘元戎舊刻於楚秋山顧公序之  
 詳矣甲辰予遊楚見而說之每以自  
 隨壬子遭家變因散失不知所在求  
 之者數年竟不可得詢知板焚矣嗚  
 呼其數耶使是書不行於世也辛酉  
 冬予起廢草土補關中歸自京師偶

病醫苗生者來視予謾道及之生曰  
 家有藏本是嘗手錄者盍刻之予聞  
 之甚喜越五日病愈遂攜之關命工  
 鐫諸梓嗚呼其數耶使是書復行於  
 世也工告完因嘆一書之顯晦尚亦  
 有數而况於人乎是故不能不有感  
 於茲云

嘉靖壬戌仲春之吉鈞陽魏尚純識

卷之五

山田順庵藏版

嘉慶壬戌秋奉入旨撰錄

弘化四年丁未五月

京都三條通堺町

出雲寺文次郎

大坂安堂寺町五丁目

秋田屋太右衛門

同 九之助橋壹丁目

秋田屋良助

江戸日本橋通壹丁目

須原屋茂兵衛

發行書林



影印室或共商

正行日本書道會

林田屋身

同 兵部御堂下日

發行書林

大塚堂

大塚堂

出雲寺文太

京橋三洲屋

昭和四年丁未正月

